



ՍՈՒՐԲ ԶՎԱՐԵ ԱՌԱՋՆՈՐԴԱՆԻՍ ՄԱՅՐ ԵԿԵՂԵՑԻ

Վարդապահն ետք Երրորդ Կրտսեր
28 ՅՈՒԼԻ 2024

Կիրակնօրեայ Ընթերցումներ էջ 1
Մանուցումներ էջ 2

ԸՆԹԵՐՑՈՒՄ
ԵՍԱՅԻ ՄԱՐԳԱՐԵՒ ԳԻՐՔԵՆ
(58.13-59.7)

Այսպէս կ'ըսէ Տէրը.-
«Եթէ Շաբաթ օրը, իմ սուրբ օրս,
Հրաժարիս քուցանկութիւններդ կատարելէ, եթէ
Աստուծոյ նուիրուած Շաբաթ օրը ուրախարար
ու նուիրական համարես, եթէ զայն պատուես՝
քու Ընթացքդ փոխելով եւ թշնամական խօսքերէ
հեռու մնալով, եւ յոյսդ Տիրոջ վրայ դնես, այն
ատեն երկրի բարիքները պիտի պարգևեմ քեզի
եւ քեզի պիտի տամ այն ժառանգութիւնը որ քու
հօրդ՝ Յակոբի խոստացայ: Ահա ես՝ Տէրս ըսի»:

Միթէ կը կարծէք թէ Տէրը ձեզ փրկելու կա-
րողութիւնը չունի՞, կամ փակե՞ց իր ականջը,
որպէսզի ձեզ չլսէ: Ո՞չ: Բայց ձեր մեղքերը
պատճառ կ'ըլլան որ խրամատ բացուի ձեր եւ
Աստուծոյ միջեւ, այնպէս՝ ինչպէս ձեր անօ-
րէնութիւններուն պատճառով Աստուած երես
դարձուց եւ չողորմեցաւ ձեզի: Որովհետեւ
ձեր ձեռքերը արիւնով պղծուած են եւ ձեր
մատները՝ մեղքով. ձեր շրթները սուտ խօսեցան,
ձեր լեզուները անիրաւութեան գործիք եղան:
Զկայ մէկը որ արդարութիւնը պաշտպանէ. չկայ
մէկը որ իրաւունքով դատ տեսնէ. դուք ձեր
շահերուն համար սուտերու կ'ապաւինիք եւ
ուրիշները կը խարէք. չարութիւն կը յղանաք եւ
մեղք կը ծնանիք: Ձեր լարած դաւերը քարերու
հաւկիթներ են, որոնցմէ ուտել ուզողը մահ կը
գտնէ, որովհետեւ իժէ անոնց մէջինը: Ձեր հիւսած
դաւերը սարդի ոստայն են, որոնցմէ հագուստ
չ'ելլեր եւ բանի չեն ծառայեր: Դուք բնաւ չէք
կրնար արդարանալ ձեր գործերով, որովհետեւ
ձեր գործերը անօրէն գործեր են եւ ձեր ձեռքէն
միայն անիրաւութիւն կու զայ: Պատրաստ էք
միշտ չարիք գործելու, անմեղ արիւն թափելու
չէք վարանիք. միայն մեղաւոր խորհուրդներ կը

սնուցանէք եւ ձեր այս ընթացքով կործանումի
ու դժբախտութեան պատճառ կ'ըլլաք:

ՊՕՂՈՍ ԱՌԱՔԵԱԼԻ
ՏԻՄՈԹԷՈՍԻՆ ԳՐԱԾ ԱՌԱՋԻՆ ՆԱՄԱԿԻՆ
(4.12-5.10)

Հաւատացեալներուն օրինակ եղիր խօսքովդ,
կարմունքովդ, սիրովդ, հաւատքովդ եւ
մաքուր կենցաղովդ: Մինչեւ գալս հոգ տար
իրենց՝ Աստուծոյ խօսքէն կարդալով, յորդորելով
զիրենք եւ սորվեցնելով:
Անփոյթ մի՛ գտնուիր այն
շնորհքին նկատմամբ որ
մարդարէական հոգիով
քեզի տրուեցաւ, երբ
երեցները ձեռք դրին քու
վրադ: Այս ըսածներուս
մասին խորհէ եւ զանոնք
գործ ձի կերած ելու
աշխատէ, որպէսզի ամէն
մարդ յայտնապէս տեսնէ քու յառաջդիմութիւնդ:
Ուշադիր եղիր թէ՛ գուն քեզի եւ թէ՛ սորվեցու-
ցածիդ, եւ միշտ ալ այսպէս մնա՛, գիտնալով որ
այդ ձեւով ո՛չ միայն ինքզինքդ կը փրկես, այլ
նաեւ բոլոր քեզ լսողները:

Երբեք խստութեամբ մի՛ յանդիմաներ ծեր մէկը,
այլ մեղմութեամբ յորդորէ զայն, ինչպէս հօրդ
պիտի ընէիր: Երիտասարդները եղբօրդ տեղը սեպէ,
պառաւները՝ մօրդ, իսկ երիտասարդուհիները
քրոջդ տեղը դիր եւ ամենայն մաքրութեամբ
մօտեցիր անոնց: Պատուէ եւ խնամէ ա՛յն այրիները
որոնք իսկապէս որբեւայրի են: Իսկ երբ այրի մը
զաւակներ ու թոռներ ունի, պէտք է անո՞նք նային
իրեն, որպէսզի սորվին բարեպաշտութիւնը նախ
տան մէջ կիրարկել՝ ծնողներէն իրենց տրուած
խնամքին փոխարէն հոգ տանելով անոնց,
որովհետեւ Աստուծոյ համար ա՛յդ է իրաւ եւ
ընդունելի բարեպաշտութիւնը: Իսկական այրին
այն է՝ որ մէկը չունի, յոյսը միայն Աստուծոյ վրայ
դրած է եւ գիշեր-ցերեկ աղօթքով ու խնդրանքով
կ'անցընէ իր ժամանակը: Իսկ հանգստութիւն ու
վայելք փնտող այրին կենդանի մեռած մըն է
արդէն: Այնպիսիներուն այս պատուէրները տուր

որպէսզի անարատ ըլլան։ Իսկ մէկը որ իրեններուն եւ մանաւանդ իր ընտանիքի անդամներուն հոգ չի տանիր, այնպիսին իր հաւատքը ուրացած մընէ, շատ աւելի գէշ՝ քան անհաւատ մը։

Այրի սեպէ միայն ա՛յն կիները որոնք վաթ-սունը անց են, մէկ անգամ ամուսնացած, եւ բարի գործերով վկայուած են, այսինքն՝ զաւակներ մեծցուցած, հիւրասէր եղած, ճամբորդ հաւատացեալներուն խոնարհաբար ծառայած, նեղութեան մէջ եղողներուն օգնած, եւ իրենք զիրենք ամբողջութեամբ բարեգործութեան տուած են։

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԻՆ ԸՍ ՅՈՎՀԱՆՆԵՍԻ (3.13-21)

Մեր Տէր Յիսուս Քրիստոս Կ'ըսէ.-
«Ոչ ոք երկինք ելաւ բացի մարդու Որդիէն, որ իջաւ երկինքէն, ուր կը գտնուէր։ Եւ ինչպէս որ Մովսէս պղնձեայ օձը բարձրացուց անապատին մէջ, նոյնպէս ալ պէտք է մարդու Որդին բարձրանայ, որպէսզի

Աստուած
ա՛յնքան
սիրեց
աշխարհը, որ
մինչեւ իսկ
իր միածին
Որդին տուաւ,
որպէսզի
անոր
հաւատացողը
չմեռնի, այլ
յաւիտենական
կեանք
ունենայ։

չի հաւատար անոր, արդէն իսկ դատապարտուած է, Աստուծոյ միածին Որդիին չհաւատալուն համար։

«Եւ դատապարտութիւնը այս է. հակառակ

...ով որ կը կատարէ ինչ որ նշարիս է, լոյսին կու գայ...

անոր որ լոյսը աշխարհ եկաւ, մարդիկ խաւարը լոյսէն աւելի սիրեցին, որովհետեւ չարութիւն կը գործէին։ Ով որ չար գործ կը կատարէ, կ'ատէ լոյսը եւ լոյսին չի գար, որպէսզի իր գործերը չյայտնուին։ Սակայն ով որ կը կատարէ ինչ որ ծշմարիտ է, լոյսին կու գայ, որպէսզի յայտնի ըլլայ թէ իր գործերը Աստուծոյ կամքին համաձայն գործուած են։»

ՏՆՈՐԴՆԵՔ

Տնօրինէք փափաքող լնտանիքները,
թող բարեհաճին դիմել
Տ. Գառնիկ Աւ. Քհն. Գոյունեանի,
հեռաձայնելով
514 909 5203 թիւին։

ՀԻԱՆՊԱԵՐՈՒ ԱՅԹԵԼՈՒԹԻՒՆ

Բարեհաճեցէք հեռաձայնել
Արժ. Տ. Գառնիկ
Աւ. Քհն. Գոյունեանի.
514 909 5203 թիւին։

Հոգեւազաւեաւ
ԶԵՐ ԱՐՁԱՆԱԳՐՈՒԹԻՒՆՆԵՐԸ
ԱԼԽՈՐՕՔ ԿԱՏԱՐԵՑԷՔ ԿԱՊՈՒԵԼՈՎ
ԵԿԵՂԵՑԻ ԴԻՒԱՆԱՏՈՒՆ։

ԱՅԹԵԼԵՑ՝ ԵԿԵՂԵՑԻ ԴՐԱ
ԵՐ ԶԵՐ ՀԱՒԱՊԻԹԻՒՐ յԱՅՏԱԵՑԷՔ (like).
www.facebook.com/SourpHagopChurchMontreal
ԱՅԹԵԼԵՑ՝ ԱՎԱԿՈՒՄ
Ա. ՅԱԿՈՒ ԱՌԱՋԱՐԴԱԿԱՆ ՄԱՅՐ ԵԿԵՂԵՑԻ ԿԱՅՐԵԶԸ՝
www.sourphagop.net